


YACOUBA
recueil de contes
(1 Gwetaa -wo)
C.2

DAN -WO .BHLEE -YEU -DHEE



Baba Tiémoko Sébastien

DAF 0
1978 1
C2

DAN -WO .BHLEE -YEU -DHEE

(Recueil de contes yacouba, 'Gwetaa -wo)

Baba Tiémoko Sébastien

Société Internationale de Linguistique
B.P. 8857, Abidjan-Cocody

'Seedhè -ya -a -bèn ze -gèn

.Dhè -kô 'eu 'kwa 'kwi -wo .bhlee dô 'ka 'eu
'kwa- daan sie -a 'dheu, kwa -dé -wo 'eu -ke.
Dan -wo 'ka -a .bhlee -yeu -dheu 'peu. -Kaa
-a dô .dhè keu 'kwii kwa -wo daan- keu 'kwa
-a -bèn ze kwa -dé -ta kwa -wo ya 'dhieu- -dho
'to-. Kwaa 'ne -nou 'pèèpè 'wo 'dho sie .klang
'dhieu, mè -nou -wo .ne 'wo daan sie, 'yeu 'ka
-a 'souan-bho sie .dhè -a mè 'gbè -dhè 'waa kwa
-wo peu -se 'ka 'zi do.

Kwa de -nou 'wô -kô -nou oo, kwa 'go -dhè -nou
oo, kwa -dé -wo -dian .gban ke sie .dhè pe
'dhieu yeueu 'to

Pe 'eu -ke 'yeu 'kwa 'seedhè ya -bèn ze 'yeu
bha. Keu -yeu ke 'dheu keu mè -nou 'eu -a -nou
'wô -kô -dhô dho -a -nou ke- keu -wo wo -dé
nou 'seedhè -blèèsu 'eu -ke SAO 'ka -a -wo peu
-su -dhè keu -yeu ke 'dheu keu .wa wo -dé -wo
peu keu -wa -bèn ze 'peu.

.Ya ke 'dheu -wo -dho .môô -bha 'eu 'wo wo de
-nou 'wô -kô -nou oo, 'èèn 'kwèan- 'gu -wôn
-nou 'eu -gban -a -nou -bha oo, 'wo -a -bèn ze
'yeu 'yaa 'go -a -nou 'yaan.

-A -gèn -mu .dhè mè -wo -yeu -dhèng mè -gô, 'kèè
'seedhè -wo -ze 'yaa 'bou. Pe 'tô 'gbè -yeu kwa
-wo 'gu 'eu 'yaa 'kwi -wo 'gu.

Baba Tiémoko Sébastien

Pe 'ne 'sèèn' 'ne do -yeu mè -troo -wu

Yi do 'ka keu -tosèèdhé .ya ke 'gbé- wu -nou -ta
keu -wa -a -nou ze sie -déé 'beuwo, 'yeu 'wo
.doue 'wo dho 'mu .gblèèn 'bluga 'kpii- do 'gu.

.Dhè 'eu bha 'gu 'yeu -an -nou .gban 'wo -da
'trooga 'kpikpi do 'gu.

.Dhè 'eu -ke 'dheu 'yeu -a -nou -bha .gwlude
'eu -ke Laa -Bheu -Laa 'ka 'yeu -a peu -a -nou
-dhè: ".Dhè nou 'eu kwa wo ya .doua ne 'eu
'kwa wo mè 'bhéé- -nou -gô. .Dhè 'eu -ke 'dheu
'kwa 'dho pe 'kwa -a -nou pe -bheu 'zi do, 'kèè
-kwa 'kloo bho kwa -dé -bha." 'Yeu -a -nou -wo
-yeu -ke -a -bha do.

-Dhèkpôôyi -yeu -ke .plè 'yeu Mlôô -yeu .zieu
'yeu dho mè -nou -bha 'gwèèdhè do 'bha 'eu wô
-su 'ka -a -nou 'sôô mu -a gbéng .ziin 'gu,
'yeu 'gwèè -bheu mu 'yeu -a 'gwu -yeu dô
kpèènkpèèndheu, 'yeu nou 'yeu -da -yè bha 'gu
'yeu dho eu -wèè .bhaa 'yeu 'waan-ne. 'Yeu -ke
-a ke -ye 'ka -kpèèwo.

